

MØTEPROTOKOLL

Utval:	Formannskapet
Møtedato:	28.11.2024
Møtetid:	09:00 - -13:35
Møtestad:	Sanitetshuset, Litlås, Sanitetshuset, Litlås

Frammøtte faste medlemmer

Namn	Rolle	Parti	Merknad
Per Lerøy	varaordfører	AP	
Bjørn Inge Håland Dyrkolbotn	medlem	SP	
Ann Kristin Leirvåg	medlem	AP	
Morten Sognnes	ordfører	H	
Hege Ramsland	medlem	H	

Faste medlemmer som ikkje møtte

Namn	Rolle	Parti
------	-------	-------

Frammøtte varamedlemmer

Namn	Rolle	Parti	Merknad
Aslak A. Bakke	varamedlem	H	Vara for M. Sognnes i sak 101/2024 (ugild)

Følgjande frå administrasjonen møtte:

Bjørnar Fjellhaug	kommunedirektør
Odd Harald Dommersnes	økonomi- og HR sjef
Trine Merete Jansen	kommunalsjef
Bjarte Rosenlund	kommunalsjef
Anne Hildegunn Færøy	kommunalsjef
Ketil Tjore	møtesekretær
Christopher Marius Straumøy	sakshandsmar/jurist
Asbjørn Nagell Toft	plansjef

Møteprotokollen vert publisert på kommunen si nettside. Den er mellombels godkjent av utval sleiar eller ordførar i etterkant av møtet, og vert endeleg godkjent i neste møte.

Ketil Tjore/møtesekretær

Sakliste

Saksnummer	Sakstittel	Unntak frå innsyn
PS 91/2024	Godkjenning av innkalling og sakliste	
PS 92/2024	Godkjenning av møteprotokoll	
PS 93/2024	Delegerte vedtak 17. oktober til 20. november 2024	
OS 13/2024	Orienteringar frå kommunedirektøren - FS 28.11.2024	
PS 94/2024	Referatsaker	
RS 36/2024	Oppdatert notat - utbetaling frå havbruksfondet	
RS 37/2024	Gjeldsrapport per 31.10.2024	
RS 38/2024	Budsjettering av innsparinger i årsbudsjett og økonomiplan	
RS 39/2024	Skatteoversikt til og med oktober - frå Statsforvaltaren	
RS 40/2024	Melding til formannskapet - status for forprosjekt framtidig symjeanlegg	
RS 41/2024	Referat frå politiråd i Austrheim 15.11.24	
PS 95/2024	Klagehandsaming- dispensasjon - gbnr. 160/22 - Klauvholmen - mellombels skogsveg	
PS 96/2024	Avtale med Samnanger kommune om rolle som Egedomssekretær	
PS 97/2024	Val av tomt for nytt helse- og omsorgstun - prioritering av to aktuelle alternativ.	
PS 98/2024	Justering av festeavgiftene på gravplassane - 2025	
PS 99/2024	Garanti Austrheim Sokn	
PS 100/2024	Budsjett 2025 og økonomiplan 2025-2028-vedtak	
PS 101/2024	Godkjenning av Områdeplan for bustadområde B36 Kaland og Fonnes og friområde ved Ikornsåta, Planid 2021002 - Austrheim kommune	

PS 91/2024 Godkjenning av innkalling og sakliste

Kommunedirektøren sitt framlegg til vedtak:
Innkalling og sakliste vert godkjent.

Handsaming i Formannskapet - 28.11.2024 av sak 91/2024 Godkjenning av innkalling og sakliste:

Ordførar Morten Sognnes refererte framlegget til vedtak.

Handsaming i formannskapet:
Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 91/2024 Godkjenning av innkalling og sakliste:

Innkalling og sakliste vert godkjent.

PS 92/2024 Godkjenning av møteprotokoll

Kommunedirektøren sitt framlegg til vedtak:
Møteprotokollen frå 31. oktober vert godkjent

Handsaming i Formannskapet - 28.11.2024 av sak 92/2024 Godkjenning av møteprotokoll:

Ordførar Morten Sognnes refererte framlegget til vedtak.

Handsaming i formannskapet:
Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 92/2024 Godkjenning av møteprotokoll:

Møteprotokollen frå 31. oktober vart godkjent

PS 93/2024 Delegerte vedtak 17. oktober til 20. november 2024

Kommunedirektøren sitt framlegg til vedtak:
Formannskapet tar dei delegerte vedtaka til vitande.

Handsaming i Formannskapet - 28.11.2024 av sak 93/2024 Delegerte vedtak 17. oktober til 20. november 2024:

Ordførar Morten Sognnes refererte framlegget til vedtak.

Handsaming i formannskapet:
Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 93/2024 Delegerte vedtak 17. oktober til 20. november 2024:

Formannskapet tok dei delegerte vedtaka til vitande.

OS 13/2024 Orienteringar frå kommunedirektøren - FS 28.11.2024

Handsaming i Formannskapet - 28.11.2024 av sak 13/2024 Orienteringar frå kommunedirektøren - FS 28.11.2024:

Kommunalsjef Trine Merete Jansen orienterte om barnehagesøknad frå Alver i samband med mogleg nedlegging av Austebygd barnehage.

- Har hatt kontakt med Alver kommune og styrarar i barnehagane, og rekna på kostnader. Overføringa frå Staten er kring 130.000 kroner for dei mellom 3 og 6 og 230.000 for dei under 3 år. Har sett på kostnader og inntekter ved eit inntak på seks barn under 3 år og seks barn over 3 år, ser at dei under 3 år vil ha ei samla underdekking på 80.000 kroner, medan dei over 3 år vil gje 100.000 i samla vinst, men det er utan dekking av administrasjonskostnader med meir.
- Ser det ikkje som økonomisk forsvarleg å ta i mot barn frå Alver, dette er formidla til Alver kommune. Unntaket er ev. familiar som har konkrete planar for å flytta til Austrheim, desse kan det vera aktuelt å tilby plass. Har gitt same orienteringa i Levekårsutvalet, og opplevde at ein fekk støtte der.
- Må tenkja i første omgang på eigne innbyggjarar, med tanke på å ha kapasitet til innflyttarar og born i flyktningfamiliar.

Per Lerøy (Ap) viste til handsaminga i Levekårsutvalet og at ein der støtta den innstillinga som er gitt.

Bjørn Inge Dyrkolbotn (Sp) spurte om det ikkje er plass i barnehagane, Jansen svara at det er plass til eit par born, men då er det ingen beredskap til å ta inn fleire.

Kommunedirektør Bjørnar Fjellhaug viste til som Jansen til at det er viktig å halda beredskapen til å ta inn born som flyttar til kommunen.

Kommunalsjef Trine Merete Jansen sa at ein no er i mål med å busetta dei 35 flyktningane som det var vedteke å ta i mot i 2024. Ordførar Morten Sognnes spurte om flyktningane er komme i jobb, Jansen svara at det har ein ikkje konkrete tal på, men inntrykket er at dette er betre i Austrheim enn andre stader.

Kommunedirektør Bjørnar Fjellhaug viste til at det kjem sak til kommunestyret 12. desember om inntak av flyktningar, ein er spurt om å ta i mot 25 i 2025, kommunedirektøren innstiller på 20.

Jonny Hesthammer frå Norsk Kjernekraft var gjest i møtet, for å orientera om modell for å organisera eit selskap for bygging av eit kjernekraftverk i Mongstad-regionen (av typen SMR - Små modulære kjernekraftverk).

- Hesthammer ser for seg ein modell der fleire selskap er involverte i utbygging og drift, mellom dei kommunen, etter modell av korleis den norske petroleumsutbygginga har vore organisert.
- Neste steg er å senda ei «Melding med forslag til utredningsprogram» til NVE, dette har Norsk Kjernekraft vore med på å få sendt for prosjekt i Aure og Heim kommunar, Øygarden kommune, og Vardø kommune.
- Hesthammer sa at det framleis er ein del usikkerheit rundt dette med kjernekraftutbygging, så det er eit mål om å bruka minst mogleg pengar i denne fasen.
- For eit prosjekt i Austrheim er det aktuelt å senda «Melding med forslag til utredningsprogram» til NVE i 2025. Må også sjå dette i samband med at Alver også har meldt seg på.
- Hesthammer ser for seg at kommunen kan få avsett ein rett til gevinst per produserte kWh, uavhengig av kor stor eigardel kommunen går inn med.
- Hesthammer ser for seg at det kan ta tre år å få klar ein søknad om konsesjon. Sjølv bygginga krev ei ekstern finansiering, dette vil vera private equity, pensjonsfond etc.

Bjørn Inge Håland Dyrkolbotn (Sp) spurte om kvifor Norge skal bygga når andre land fasar ut denne energiforma. Hesthammar sa at det er rett at mange land for nokre år tilbake fasa ut kjernekraft, men dette er i ferd med å snu. Desse landa ser no på reduksjon av bruken av fossile brennstoff, og det kombinert med at moderne kjernekraft er tryggare enn tradisjonell kjernekraft, gjer at desse landa ser på å auka kjernekraftproduksjonen.

Per Lerøy (Ap) sa at kjernekraft er ein liten del av den globale energimiksen, Hesthammer sa at det er rett, men at utfordringa for Norge i dag er å sikra ein kraftproduksjon som kan ta unna toppane i forbruket, dette er det lettare å få til med kjernekraft enn om ein berre skal bygga ut meir vêravhengig kraftproduksjon som vind og vatn.

Per Lerøy (Ap) etterlyste planar for etterbruk av varmeproduksjonen, Hesthammer sa at ved 10 terrawatt produsert straum så har ein 20 terrawatt med produsert varme. Om ein klarer å utnytta varmen er det dobbel gevinst, sidan det kan redusera behovet for varme. Oppfordra til å leggja til rette for gjenbruk av varmen heilt frå starten av prosjektet. Det å utnytta restvarmen er også viktig for å auka lønsemda i prosjektet.

Hesthammer sa at det framleis er usikkerheit i denne typen prosjekt, og at ein difor ser på å auka investeringane først når usikkerheita er lågare. Legg opp til å bruka den aksjonæravtalen som er utarbeidd av advokatfirmaet Thommessen for prosjektet i Halden, ev. med ein opsjon for å sleppa inn Alver kommune. Selskapet ein etablerer no skal greia ut om det skal byggast eit slikt anlegg, det er langt fram enno. Er to løp no for utgreiingar, både nasjonalt og lokalt, men ser at det er ei større lokal forankring for denne typen prosjekt.

Per Lerøy (Ap) spurte om kva prisen på kilowatt-timar vil vera med petroleumsdrivne kraftverk, med karbonfangst og -lagring. Hesthammer sa at karbonfangst og -lagring er for dyrt per i dag, det må ev. komma nye insentiv her.

Norsk Kjernekraft vil laga eit framlegg til avtale, ordførar Morten Sognnes svara at dette ev. kan komma i kommunestyret den 12. desember.

Kommunalsjef Bjarte Rosenlund orienterte om:

- Det BKK/Eviny-eigde selskapet Veilys AS skal avviklast, ser på ei overtaking der kommunen tar tilbake dei veglysa som BKK/Eviny no vil gje frå seg. Ser ikkje at det er rett å betala for å overta desse lysa. Vestland fylkeskommune tar på seg å lysa ut ny avtale på vedlikehald og straum for desse veglysa, både kommunale og fylkeskommunen sine.
- Har fått forhandla ned prisen for landbrukssamarbeidet med Alver, der Modalen og Fedje også er med. Fedje ser på å gå ut av samarbeidet.
- Coop planlegg skilting av parkering ved senteret, med plass for dei som handlar på framsida av senteret, og tilsette i kommunen og hjå senteret på baksida. Her skaut kommunedirektør Bjørnar Fjellhaug inn at kommunen og Coop ser på å setta opp blomsterkassar på parkeringsplassen for å redusera børning/spinning.
- Om ev. flytting motocrossbane, her er det eiga gruppe i gang.
- Sal av Kunsthuset og kommunale tomter, dette vert det jobba med.
- Venteskur Vardetangen, jobbar med andre aktørar for å få til dette.
- Digitale informasjonsskilt, ikkje påbegynt enno.
- Bustadbygging, er i dialog med fleire utbyggjarar og i samarbeid med Husbanken for å sjå kva som er mogleg å få til.
- VA-prosjekt, det neste her er pumpestasjon i Kystlandsbyen, og så er det VA-oppgradering Kaland. Ser på VA-utbygging Solend/Førland, må koordinera dette med vegeigar Vestland fylkeskommune, og BKK som må flytta stolpane langs vegen der det skal leggst ny vassleidning, og Telenor som har ei linje der.
- Veglys til Hopland, mastene skal komma opp kring årsskiftet, og lys like etter.
- Gymsal Kaland, arbeidet godt i gang.
- Barnehage Kaland, skissene klare for nye garderober, med godkjenning frå Miljøretta Helsevern.
- Har fått avtale med Coop om at ein får låna ledige lokale i senteret til å etablera ein uformell møteplass.

Per Lerøy (Ap) ba om at formannskapet blir invitert når ein er ferdige med prosjekta på Kaland skule og Kaland barnehage, Rosenlund noterte seg dette.

Kommunedirektør Bjørnar Fjellhaug orienterte om:

- Marknadsføring av Austrheim kjem opp som sak i 2025, ser at det er bra å venta med denne til det er meir ledige tomter.
- Har fått tilslag på 10 millionar til forsøksordninga for startlån, av 28 kommunar som søkte var det 19 som fekk tilslag.
- Har hatt anbudsrunde på juridiske tenester, saman med kommunane Modalen og Samnanger, og etter runden fekk advokatfirmaet Harris tilslaget på avtalen.
- Om forfall til formannskap i oktober viste kommunedirektøren til at dette var avklara med ordførar, i samband med at han hadde innlegg på ein konferanse.
- Arbeidstilsynet har gjennomført tre tilsyn med kommunen dei siste månadene, og jobbar med å etterleva dei punkta som er påpeikte i dei ulike tilsyna.
- Statsforvaltar har gjennomført tilsyn med folkehelse, og kjem med tilsyn på beredskap.
- Tertialjusteringa kjem direkte i kommunestyret 12. desember, her er det mellom anna lagt inn midlar til nye lys på idrettsparken.
- Nytt dekke på kunstgrasbana, ventar med dette til seinare i økonomiplanperioden, stor utvikling innan dette feltet, med ulike typar fyll i kunstgrasdekke.
- Legg opp til at formannskapet vert styringsgruppe for bassengnemnda, men med gruppeleiarar frå dei partia som ikkje er representerte i formannskapet (INP og Samlingslista).
- Kommunedirektøren har innvilga støtte til minnebauta ved Leirvåg gravplass, i regi av Neptunklubben.
- Sjukefråværet har gått ned frå 2023 til 2024, no er det 5,27 prosent, medan det var over 10 prosent for eit år tilbake.
- Har vore ei rekkje folkemøte den siste tida med god deltaking, om energi, om utbygging av bustader med livsløpsstandard, om unge og rusproblematikk, og om temaplanen for helse og velferd.

Varaordførar Per Lerøy (Ap) viste til gode tilbakemeldingar frå tilsette om at det er positivt å jobba i Austrheim samanlikna med andre kommunar. Det å ta innspel frå dei tilsette på alvor er viktig, i samband med budsjettprosess og anna, for å ha eit godt arbeidsmiljø i Austrheim.

Ordførar Morten Sognnes refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 13/2024 Orienteringar frå kommunedirektøren - FS 28.11.2024:

Formannskapet tek orienteringane til vitende.

PS 94/2024 Referatsaker

Kommunedirektøren sitt framlegg til vedtak:
Formannskapet tek referatsakene til vitande.

Handsaming i Formannskapet - 28.11.2024 av sak 94/2024 Referatsaker:

HR- og økonomisjef Odd Harald Dommersnes orienterte om referatsaker:

- Ser mellom anna at kostnadene er høge til sosialhjelp, der det er lagt inn ekstra løyving i samband med tertialjustering av budsjettet.
- Det var opphavleg sett inn 4 millionar kroner frå Havbruksfondet i budsjettet for 2025, no ser det ut for at dette vert 1,9 millionar kroner.
- Gjeldsrapport per 31.10.2024. Ser at det er behov for å endra økonomireglementet, slik at det er mogleg å ta lån på lengre avbetaling, for å kunna få betre renter. Det kjem eiga politisk sak om dette.

Ordførar Morten Sognnes refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 94/2024 Referatsaker:

Formannskapet tok referatsakene til vitande.

.

RS 36/2024 Oppdatert notat - utbetaling frå havbruksfondet

RS 37/2024 Gjeldsrapport per 31.10.2024

RS 38/2024 Budsjettering av innsparinger i årsbudsjett og økonomiplan

RS 39/2024 Skatteoversikt til og med oktober - frå Statsforvaltaren

RS 40/2024 Melding til formannskapet - status for forprosjekt framtidig symjeanlegg

RS 41/2024 Referat frå politiråd i Austrheim 15.11.24

PS 95/2024 Klagehandsaming- dispensasjon - gbnr. 160/22 - Klauvholmen - mellombels skogsveg

Kommunedirektøren sitt framlegg til vedtak:

Austrheim kommune har teke klaga delvis til følgje og endrar vedtaket frå 12.09.2024. Austrheim kommune gjev dispensasjon frå kommuneplan plan-id: 2013001 og pbl. § 1-8 til omsøkt mellombels anleggsveg for å fjerne sitkagran på følgjande vilkår:

- 1.Vegen skal tilbakeførast til opphavleg vegetasjon innan 30.11.2029. Dette inneber at tilført steinmasse som er opparbeidd på staden skal fjernast. Kommunen vil gi nærare vilkår om tilbakeføring ved igangsettingsløyve for å sikre reell tilbakeføring.
- 2.Sitkaskogen skal handsamast forsvarleg for å unngå spreiding ved frøing ved avskoging.

Grunngjevinga er gjeve i saksutgreiinga. Vedtaket er heimla i forvaltningslova § 33 andre ledd, jf. plan- og bygningslova § 1-9.

Saka vert sendt til Statsforvalteren i Vestland for klagevurdering.

Handsaming i Formannskapet - 28.11.2024 av sak 95/2024 Klagehandsaming- dispensasjon - gbnr. 160/22 - Klauvholmen - mellombels skogsveg:

Sakshandsamar Christopher Straumøy orienterte om saka, jamfør saksframlegget.

Bjørn Inge Håland Dyrkolbotn (Sp) og Per Lerøy (Ap) gav begge støtte til administrasjonen sine vurderingar.

Ordførar Morten Sognnes refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 95/2024 Klagehandsaming- dispensasjon - gbnr. 160/22 - Klauvholmen - mellombels skogsveg:

Austrheim kommune har teke klaga delvis til følgje og endrar vedtaket frå 12.09.2024.

Austrheim kommune gjev dispensasjon frå kommuneplan plan-id: 2013001 og pbl. § 1-8 til omsøkt mellombels anleggsveg for å fjerne sitkagran på følgjande vilkår:

- 1.Vegen skal tilbakeførast til opphavleg vegetasjon innan 30.11.2029. Dette inneber at tilført steinmasse som er opparbeidd på staden skal fjernast. Kommunen vil gi nærare vilkår om tilbakeføring ved igangsettingsløyve for å sikre reell tilbakeføring.
- 2.Sitkaskogen skal handsamast forsvarleg for å unngå spreiding ved frøing ved avskoging.

Grunngjevinga er gjeve i saksutgreiinga. Vedtaket er heimla i forvaltningslova § 33 andre ledd, jf. plan- og bygningslova § 1-9.

Saka vert sendt til Statsforvalteren i Vestland for klagevurdering.

PS 96/2024 Avtale med Samnanger kommune om rolle som Egedomssekretær

Kommunedirektøren sitt framlegg til vedtak:

Formannskapet godkjenner at Austrheim kommune gjennom vedlagt avtale samarbeider med Samnanger Kommune om arbeid tilknytt egedomsskatt.

Handsaming i Formannskapet - 28.11.2024 av sak 96/2024 Avtale med Samnanger kommune om rolle som Egedomssekretær:

Sakshandsamar Christopher Straumøy orienterte om saka, jamfør saksframlegget.

Ordførar Morten Sognnes refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 96/2024 Avtale med Samnanger kommune om rolle som Egedomssekretær:

Formannskapet godkjenner at Austrheim kommune gjennom vedlagt avtale samarbeider med Samnanger Kommune om arbeid tilknytt egedomsskatt.

PS 97/2024 Val av tomt for nytt helse- og omsorgstun - prioritering av to aktuelle alternativ.

Kommunedirektøren sitt framlegg til vedtak:

1. Kommunestyret sluttar seg til at tomt 1 og tomt 4 blir prioriterte som dei mest aktuelle lokasjonane for bygging av nytt helsetun.
2. Kommunestyret ber administrasjonen gjennomføre ei vidare utgreiing av dei to prioriterte tomtene, i tråd med sak; PS48/2024

Handsaming i Levekårsutvalet - 21.11.2024 av sak 39/2024 Val av tomt for nytt helse- og omsorgstun - prioritering av to aktuelle alternativ.:

Kommunalsjef Anne Hildegunn Færøy og kommunalsjef Bjarte Rosenlund orienterte om budsjett og økonomiplan, jamfør saksframlegget.

Bjarte Rosenlund viste til at det så langt berre er gjort mulighetsstudiar, og at ein ikkje kjenner så nøye til kostnadene ved dei ulike alternativa enno, med tanke på infrastruktur med meir.

Levekårsutvalet diskuterte ulike alternativ for tomteval, der det eine alternativet uansett er 4 med ombygging av dagens Nordliheimen, og der det skal peikast på eitt alternativ til.

Kommunalsjef Rosenlund sa at ein til neste møte kan ta fram tidlegare vurderingar kring infrastruktur, miljøgate med meir, for dei ulike alternativa.

Det var semje om eit nytt framlegg til vedtak, som tilråding frå Levekårsutvalet:

Levekårsutvalet tilrår å sjå vidare på alternativ 1 og 5 for eit nybygg, i tillegg til alternativ 4 for nybygg i kombinasjon med dagens sjukeheim, Nordliheimen. Levekårsutvalet tar ei synfaring av aktuelle tomtealternativ i samband med neste møte.

Utvalsleiar Per Lerøy refererte framlegg til vedtak.

Handsaming i Levekårsutvalet:

Samrøystes for nytt framlegg til vedtak.

Vedtak i Levekårsutvalet - 21.11.2024 av sak 39/2024 Val av tomt for nytt helse- og omsorgstun - prioritering av to aktuelle alternativ.:

Levekårsutvalet tilrår å sjå vidare på alternativ 1 og 5 for eit nybygg, i tillegg til alternativ 4 for nybygg i kombinasjon med dagens sjukeheim, Nordliheimen. Levekårsutvalet tar ei synfaring av aktuelle tomtealternativ i samband med neste møte.

Handsaming i Formannskapet - 28.11.2024 av sak 97/2024 Val av tomt for nytt helse- og omsorgstun - prioritering av to aktuelle alternativ.:

Kommunalsjef Bjarte Rosenlund orienterte om saka, jamfør saksframlegget.

Varaordførar Per Lerøy (Ap) viste til handsaminga i Levekårsutvalet, der ein tok inn alternativ 5 i tillegg til 1 og 4 (som er dagens Nordliheimen).

Bjørn Inge Håland Dyrkolbotn (Sp) sa at det var OK med å utgreia fleire alternativ, men at ein må unngå at det vert eit mykje dyrare prosjekt.

Kommunalsjef Anne Hildegunn Færøy sa at det er mogleg å få meir tal på desse prosjekta til handsaminga i kommunestyret.

Per Lerøy (Ap) viste til prosjektet med idrettshallen, der det var for djupt til å bygga, og oppmoda til at prosjekteringsarbeidet blir så godt at det ikkje dukkar opp store kostnader i etterkant

Ordførar Morten Sognnes refererte framlegget til vedtak, som er tilrådinga frå Levekårsutvalet.

Handsaming i formannskapet:

Samrøystes for Levekårsutvalet sitt framlegg til vedtak.

Vedtak i Formannskapet - 28.11.2024 av sak 97/2024 Val av tomt for nytt helse- og omsorgstun - prioritering av to aktuelle alternativ.:

Kommunestyret går vidare med alternativ 1 og 5 for eit nybygg, i tillegg til alternativ 4 for nybygg i kombinasjon med dagens sjukeheim, Nordliheimen. Levekårsutvalet tar ei synfaring av aktuelle tomtealternativ i samband med neste møte.

PS 98/2024 Justering av festeavgiftene på gravplassane - 2025

Kommunedirektøren sitt framlegg til vedtak:

Kommunestyret i Austrheim vedtar følgjande festeavgifter, gebyr for utanbygds gravlegging og gebyr for namneplater i minnelund.

1. Reglar for avgiftene

- a) Nye avgifter skal gjelda frå 1. januar 2025.
- b) Alle avgiftene blir justerte på slutten av kvart år, tilsvarande konsumprisindeksen.
- c) Maksimal periode for festeavgift er 5 år.
- d) Det er mogeleg å avtala festeavgift for ein kortare periode enn 5 år.

2. Gebyrsatsar

- a) Årleg festeavgift for kistegraver mellom 20 og 60 år: **600 kr**
- b) Årleg festeavgift for urne og barnegraver mellom 20 og 60 år: **300 kr**
- c) Årleg festeavgift for kistegraver over 60 år: **1.000 kr**
- d) Årleg festeavgift for urne og barnegraver over 60 år: **500 kr**
- e) Reservasjon av kistegrav (dobbelgrav): Eingongsavgift tilsvarande 20 års festeavgift til den ein kvar tid gjeldande nivå på festeavgifta (**kr 12.000** etter 2025-pris). Reservasjonsavgifta kan ikkje refunderast.
- f) Reservasjon av urnegrav i namna minnelund: Reservasjonsavgift tilsvarande 20 års festeavgift. (**kr 6000** etter 2025-pris). Avgifta kan ikkje refunderast.
- g) Namneplate i namna minnelund: **kr 4.000** inkl. mva (2025-pris).
- h) Utanbygds urnegravlegging:
 - Gravlegging kr 6.000 inkl. mva (2025 prisar)
 - Festeavgift kr 6000 (2025 prisar)
- i) Utanbygds kistegravlegging:
 - Gravlegging kr 12.000 inkl. mva (2025 prisar)
 - Festeavgift kr 12.000 (2025 prisar)

Handsaming i Formannskapet - 28.11.2024 av sak 98/2024 Justering av festeavgiftene på gravplassane - 2025:

Kommunalsjef Trine Merete Jansen orienterte om saka, jamfør saksutgreiinga.

Ordførar Morten Sognnes refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 98/2024 Justering av festeavgiftene på gravplassane - 2025:

Kommunestyret i Austrheim vedtar følgjande festeavgifter, gebyr for utanbygds gravlegging og gebyr for namneplater i minnelund.

1. Reglar for avgiftene

- a) Nye avgifter skal gjelda frå 1. januar 2025.
- b) Alle avgiftene blir justerte på slutten av kvart år, tilsvarande konsumprisindeksen.
- c) Maksimal periode for festeavgift er 5 år.
- d) Det er mogeleg å avtala festeavgift for ein kortare periode enn 5 år.

2. Gebyrsatsar

- a) Årleg festeavgift for kistegraver mellom 20 og 60 år: 600 kr
- b) Årleg festeavgift for urne og barnegraver mellom 20 og 60 år: 300 kr
- c) Årleg festeavgift for kistegraver over 60 år: 1.000 kr
- d) Årleg festeavgift for urne og barnegraver over 60 år: 500 kr
- e) Reservasjon av kistegrav (dobbelgrav): Eingongsavgift tilsvarande 20 års festeavgift til den ein kvar tid gjeldande nivå på festeavgifta (kr 12.000 etter 2025-pris). Reservasjonsavgifta kan ikkje refunderast.
- f) Reservasjon av urnegrav i namna minnelund: Reservasjonsavgift tilsvarande 20 års festeavgift. (kr 6000 etter 2025-pris). Avgifta kan ikkje refunderast.
- g) Namneplate i namna minnelund: kr 4.000 inkl. mva (2025-pris).
- h) Utanbygds urnegravlegging: Gravlegging kr 6.000 inkl. mva (2025 prisar) Festeavgift kr 6000 (2025 prisar)
- i) Utanbygds kistegravlegging: Gravlegging kr 12.000 inkl. mva (2025 prisar) Festeavgift kr 12.000 (2025 prisar)

PS 99/2024 Garanti Austrheim Sokn

Kommunedirektøren sitt framlegg til vedtak:

1. Austrheim Kommune innvilgar Austrheim Sokn ein sjølvskuldnargaranti på kroner 3 560 000 - som tryggleik for lån.
2. Garantien gjeld for lånet sin hovudstol maks kroner 3 560 000 ,- med tillegg av 10 % av til ein kvar tid gjeldande hovudstol til dekning av eventuelle på løypte renter og omkostningar.
3. Kommunen sitt maksimale garantiansvar kan ikkje overstiga kr 3 560 000 + 10 %, totalt kr 3 916 000,-.
4. Garantien er gyldig frå utbetalingsdato og i 38 år.
5. Garantiansvaret reduserast i takt med nedbetalinga av lånet og opphøyre etter 38 år

med tillegg på 2 år, jf.. garantiforskrifta sin paragraf 3.
6. Garantien må godkjennast av Statsforvaltaren før den er endeleg, jf.. kommunelova § 14. (Statsforvaltaren si godkjenning krevst berre for garantiar som overstig kommunen si beløpsgrense for godkjenning av garantiar).

Handsaming i Formannskapet - 28.11.2024 av sak 99/2024 Garanti Austrheim Sokn:

Økonomi- og HR-sjef Odd Harald Dommersnes orienterte om saka, jamfør saksutgreiinga.

Ordførar Morten Sognnes refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 99/2024 Garanti Austrheim Sokn:

1. Austrheim Kommune innvilgar Austrheim Sokn ein sjølvskuldnargaranti på kroner 3 560 000 - som tryggleik for lån.
2. Garantien gjeld for lånet sin hovudstol maks kroner 3 560 000 ,- med tillegg av 10 % av til ein kvar tid gjeldande hovudstol til dekning av eventuelle på løypte renter og omkostningar.

3. Kommunen sitt maksimale garantiansvar kan ikkje overstiga kr 3 560 000 + 10 %, totalt kr 3 916 000,-.
4. Garantien er gyldig frå utbetalingsdato og i 38 år.
5. Garantiansvaret reduserast i takt med nedbetalinga av lånet og opphøre etter 38 år med tillegg på 2 år, jf.. garantiforskrifta sin paragraf 3.
6. Garantien må godkjennast av Statsforvaltaren før den er endeleg, jf.. kommunelova § 14. (Statsforvaltaren si godkjenning krevst berre for garantiar som overstig kommunen si beløpsgrense for godkjenning av garantiar).

PS 100/2024 Budsjett 2025 og økonomiplan 2025-2028-vedtak

Kommunedirektøren sitt framlegg til vedtak:

Handsaming i Formannskapet - 28.11.2024 av sak 100/2024 Budsjett 2025 og økonomiplan 2025-2028-vedtak:

Økonomi- og HR-sjef Odd Harald Dommersnes orienterte om saka, jamfør saksutgreiinga.

Om kommunale vegar sa Dommersnes at det er sett av ein million kroner til oppjusteringar. Kommunedirektør Bjørnar Fjellhaug sa at det skal lagast ei oversikt over tilstanden på kommunale vegar med ei prioriteringsliste, og Per Lerøy (Ap) sa at Ap vil komma med eit innspel på dette til budsjettmøtet.

Per Lerøy (Ap) etterlyste at det viser tydelegare kor mykje som er sett av til disposisjonsfondet i budsjett, og som er sett av reelt. Her svara kommunedirektør Bjørnar Fjellhaug at det vil verta sett opp tydelegare framover, ikkje berre for disposisjonsfond, men også for andre postar der ein reduserer eller aukar.

Kommunedirektør Bjørnar Fjellhaug viste til innspel i samband med kulturmidlar, der det er bedt om å gje 25.000 kvar til samfunnshuset og Sanitetshuset på Litlås. Formannskapet ba om at dette med støtte til forsamlingshus vert sett opp som ei eiga sak, som kommunedirektøren kjem tilbake med til kommunestyret.

Kommunedirektør Bjørnar Fjellhaug orienterte om at det i 2025 vert jobba med kommunale kaiar, med tanke på skilting med meir. Vil ta det opp med Bergen Havn (Vardetangen) og andre som eig kaiar i Austrheim.

Bjørn Inge Håland Dyrkolbotn (Sp) viste til at bassenget på Kaland no er ope igjen etter stenging, og ba om at dette vart utnytta betre, mellom anna ved å gje auka svømmeopplæring for småskule-elevane på Årås skule. Dette vart støtta av varaordførar Per Lerøy (Ap). Her svara kommunalsjef Trine Merete Jansen til at det er søkt om og fått midlar til svømmeopplæring i barnehagealder, dette kan det brukast noko av, og har sett på andre budsjettpostar for om ein kan henta noko til svømmeopplæring.

Kommunedirektør Bjørnar Fjellhaug sa at det vert sett på anskaffing av ny båt til Kystbarnehagen, som også skal kunna brukast av andre innan brukarar innan oppvekst med meir.

Det vart diskutert litt kring innkjøp av eige kjøretøy (minibuss), dette vart frårådd av økonomi- og HR-sjef Odd Harald Dommersnes.

Ordførar Morten Sognnes refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak.

Vedtak i Formannskapet - 28.11.2024 av sak 100/2024 Budsjett 2025 og økonomiplan 2025-2028-vedtak:

1. Kommunestyret vedtek kommunedirektøren sitt framlegg til budsjett 2025 og handling og økonomiplan 2025-2028 slik det ligg føre.
2. Kommunestyret godkjenner driftsbudsjettet for 2025 slik det går fram av §5-4 løyvingsoversikt drift første ledd.
3. Kommunestyret godkjenner investeringsramma 2025 slik det går fram av §5-5 løyvingsoversikt investering andre ledd.
4. Kommunestyret godkjenner finansiering av investeringsbudsjettet for 2025 slik det går fram av §5-5 løyvingsoversikt investering første ledd.
5. Det vert teke opp kr. 10 024 000,- i lån til å finansiere investeringar i varige driftsmidlar og VA i tråd med investeringsplanen.
6. Investeringsmidlar på VA, sjølvkost, er budsjettert til 15 000 000,- pr. år i økonomiplanperioden 2025-2028.
7. Det vert teke opp lån i Husbanken til vidareformidling (startlån) på inntil kr 7 500 000,- pr. år i økonomiplanperioden 2025-2028.
8. Vedtak om at alle midlar ved sal av eigedom skal avsetjast til eige fond for nytt Helse -og Omsorgstun vert omgjort og midlar vert satt av til framtidige investeringar
9. Økonomiplan for 2025-2028 og årsbudsjett for 2025 blir vedteke, jf. Bevilgningsoversikt drift §5-4 og økonomisk oversikt drift §5-6. Årsbudsjettet for 2025 blir vedteke på sum netto driftsrammer for dei ulike hovudområda.
10. Finansielle måltal for utvikling av kommunen sin økonomi, jf. kommunelova § 14-2 c), vert lagt opp ut frå slike målsetjingar i kommande fireårsperiode:
 - a) Netto driftsresultat skal i økonomiplanperioden i snitt vere minimum 1,75% av brutto driftsinntekter, men skal i perioden gå mot eit måltal på 2,5 %.
 - b) Gjeldsgrad (netto lånegjeld i % av brutto driftsinntekter) på maksimalt 85%.
 - c) Disposisjonsfondet skal vere på minimum 13% av brutto driftsinntekter.
11. Kommunedirektøren vert gjeven fylgjande fullmakter innanfor budsjettet sine rammer (jf. Økonomireglement og kommunen sitt finansreglement):
 - a) Budsjettreguleringar som fylgjer av sentrale og lokale lønnsoppgjer.
 - b) Budsjettreguleringar innanfor sektorane sine rammer.
 - c) Gjennomføre låneopptak av nye lån og refinansiere tidlegare låneopptak. Her under aksept av lånevilkår og underskrift av gjeldsbrev på vegne av kommunen.
 - d) Avgjere oppstart av investeringar finansiert av ubundne fond, og sal av driftsmidlar og eigedom.
 - e) Fordeling av bevilging til småinvesteringar innafor ei ramme på 100 000,- kroner.
 - f) Regulering av teknisk art innanfor drift og finans.(jf. finansreglementet)
 - g) Overføre unytta investeringsmidlar frå 2024 til 2025.
12. Kommunedirektøren vert gjeven fullmakt til å "fryse" budsjettpostar og ledige stillingsheimlar, dersom situasjonen skulle tilseie det.

13. Kommunestyret skriv ut eigedomsskatt på næringseigedom, kraftverk, vindkraftverk, kraftnettet og anlegg omfatta av særskattereglane for petroleum jf. eigedomsskattelova (esktl.) § 3 første ledd bokstav d. Eigedomsskattesatsen vert vidareført med 7 promille. Utskrivingsalternativet omfattar også flytande oppdrettsanlegg i sjø, jf. Esktl. § 4 tredje ledd. Takstvedtekter for eigedomsskatt i Austrheim kommune vedtatt i kommunestyret i K[1]sak 083/17 i møte 14.12.2017, skal gjelde for eigedomsskatteåret 2025, jf. esktl. § 10. For eigedomsskatteåret 2025 skal det også skrivast ut eigedomsskatt på eit «særskilt fastsett grunnlag» i tråd med overgangsregelen eigedomsskattelova §§ 3 og 4 første ledd. Eigedomsskatten vert skriven i to(2) terminar per år, jfr. Esktl paragraf 25 fyrste ledd i samband med kommunale avgifter. Siste alminnelege taksering i kommunen vart gjennomført i 2018 og 2019.

14. Det vert gjeve ei ramme på kr 1 075 075,- til kontrollutvalet.

15. Austrheim kommune gjev driftstilskot til følgjande organisasjonar:

a. Austrheim Kyrkjelege Fellesråd kr 4 000 000,-

b. Austrheim Frivilligsentral kr 443 903,- (ekskl. statstilskot)

c. Austrheim ungdomsklubb kr 250 339,-

d. TV-aksjonen kr 30 000,-

16. Investeringsstilskot til Austrheim kyrkjelege fellesråd vert auka med 200 000,- kroner, til kroner 500 000,- i 2025, for resterande økonomiplanperiode er investeringstilskottet kr. 300 000,- pr. år

17. Skatteøre vert sett lik maksimal sats i samsvar med Stortinget sitt vedtak om kommunalt skatteøre.

18. Godtgjersle til ordførar blir sett til same løn som stortingsrepresentantar og løn til varaordførar er 12 % av ordførar si løn for 2025. Stortinget sin lønskommisjon gjer årleg framlegg i innstilling om godtgjersle for stortingsrepresentantane og løna til ordførar og varaordførar regulerast per mai 2025 i samsvar med endringar i løn til stortingsrepresentantar.

19. Marginavsetning av innbetalt skattebeløp blir sett til 10 %.

20. Kommunestyret godkjenner at avdrag vert betalt i tråd med kommunelova §14-18. 21. «Gebyr- og betalingssatsar 2025» vert vedtekne slik dei ligg føre.

PS 101/2024 Godkjenning av Områdeplan for bustadområde B36 Kaland og Fonnes og friområde ved Ikornsåta, Planid 2021002 - Austrheim kommune

Kommunedirektøren sitt framlegg til vedtak:

Områdeplan for bustadområde B36 på Kaland og Fonnes og friområdet ved Ikornsåta, planid. 2021002 vert godkjent. Planomtale, føresegner, plankart og illustrasjonsplan er datert den 21.11.2024. Vegteikningar (C-teikningar) er datert den 22.11.2024. Grunngevinga for vedtaket er gjeve i saksutgreiinga.

Vedtaket er heimla i plan -og bygningslova § 12-12.

Handsaming i Formannskapet - 28.11.2024 av sak 101/2024 Godkjenning av Områdeplan for bustadområde B36 Kaland og Fonnes og friområde ved Ikornsåta, Planid 2021002 - Austrheim kommune:

I denne saka var ordførar Morten Sognnes (H) ugild. Aslak André Bakke (H) møtte som vara for Sognnes.

Plansjef Asbjørn Nagell Toft orienterte om saka, jamfør saksutgreiinga. Administrasjonen har sendt planframlegget også til Vestland fylkeskommune no for ev. innspel før handsaminga i kommunestyret 12. desember.

Per Lerøy (Ap) spurte om reguleringsføresegnene opnar for ei trinnvis utbygging, Toft svara at det kan byggast noko, men at det ikkje kan byggast så mange hus før rekkjefølgjekrava slår inn. Må byggast ut VA-anlegg, avløpet går i dag til Søre Fonnesvågen, men skal på sikt pumpast til Nordre Fonnesvågen. Planen opnar for maksimalt 150 bueiningar, men det kjem an på om det vert bygd einebustader, tomannsbustader eller firemannsbustader. Er opna for fire etasjar på det høgaste. Har vore i kontakt med utbyggerar, men dei ventar nok på at planen vert godkjent før dei går inn i dette.

Varaordførar Per Lerøy refererte framlegget til vedtak.

Handsaming i formannskapet:

Samrøystes for at formannskapet tilrår kommunestyret å vedta kommunedirektøren sitt framlegg til vedtak.

Vedtak i Formannskapet - 28.11.2024 av sak 101/2024 Godkjenning av Områdeplan for bustadområde B36 Kaland og Fonnes og friområde ved Ikornsåta, Planid 2021002 - Austrheim kommune:

Områdeplan for bustadområde B36 på Kaland og Fonnes og friområdet ved Ikornsåta, planid.

2021002 vert godkjent. Planomtale, føresegner, plankart og illustrasjonsplan er datert den 21.11.2024. Vegteikningar (C-teikningar) er datert den 22.11.2024.

Grunngjevinga for vedtaket er gjeve i saksutgreiinga.

Vedtaket er heimla i plan -og bygningslova § 12-12.

